

“Ho Dasa Rai, Hau Bele Haruka Oan Nain Hitu Ba Eskola”

Contributed by Domingos S. no Thomas S.
Wednesday, 17 March 2010
Last Updated Wednesday, 17 March 2010

CJITL flash, Atu bele sustenta familia nia moris lor-loron, ema ida-idak iha ninia esforsu rasik hodi bele hetan rendementu iha loron ida.

Antonio Afonso (45) nia servisu iha departementu Saneamentu loron ba loron dasa rai iha Dili laran hodi fo eskola ninia oan.

“Ami nia salariu la suficiente bah hau nia familia tamba lori selu oan nia eskola, no hola hahan ba uma laran maibe tenki pasiensa”dehan Antonio Tersa 16 Marcu iha Lecidere Dili.

Antonio ne’ebe hela iha parte Lahane Oriental, hateten salariu ne’ebe mak nia hetan husi diresaun Saniamentu ne’e U\$115 dollar kada fulan maibe tuir nia la suficiente ba nia tamba selu oan nia eskola no balun lori sosa hahan ba familia.

“Hau lori servisu dasa rai ne’e mak hau selu hau nia oan nia eskola, ida primeiru ne’e agora iha universidade no tuir fali iha Secundaria”dehan; tenik nia.

Servidor dasa rai ne’e iha oan nain 7 (hitu) eskola hotu, ida primeiru eskola Universidade Nasional Timor Leste (UNTL) no segundu iha Secundaria, balun iha Pre Secundaria.

Nune’e mos iha fatin hanesan Luis de Carvalho (65) iha oan nain ne’en, nain tolu eskola no nain tolu la eskola, tamba la iha kbi’it atu haruka sira eskola hotu. Nia hateten maske nia hetan osan terseira idade nia maibe nia kontinua servisu dasa rai hodi hola hahan ba familia no selu oan nia eskola. “Hau servisu iha saneamentu komesa 2001 to’o agora ho salariu ne’ebe nafatin”dehan Luis (Domingos & Thomas/CJITL)